



# Xabar

O'ZBEKISTON POCHTA VA TELEKOMMUNIKATSIYALAR AGENTLIGI NASHRI

1992 yil martdan chiqa boshlagan

2001 yil, 27 aprel № 17 (450)

Sotuvda narxi erkin

## ЁШЛАРНИНГ ЯНГИ ИЖТИМОЙ ҲАРАКАТИ ТУЗИЛДИ

25 апрель куни Тошкентда Ўзбекистон Республикаси «Камолот» ёшлар ижтимоий ҳаракатининг таъсис курултойи бўлиб ўтди. Унда Тошкент шаҳри, Қорақалпоғистон Республикаси ва вилоятлардан келган делегатлар — ёшларнинг энг фаол вакиллари иштирок этди. Курултой ўз ишини ҳайъат ва котибият аъзоларини сайлашдан бошлади.

Давлатимиз раҳбари Ислам Каримовнинг курултой иштирокчиларига йўллаган табригини Президентнинг Давлат масоҳатчиси Хайриддин Султонов ўқиб эшиттирди.

Маълумки, бундан уч ой бурун мамлакатимиз ёшларининг янги ташкилоти — «Камолот» ижтимоий ҳаракатини тузиш бўйича ташаббус гуруҳи иш бошлаган эди. Утган қисқа вақт ичида гуруҳ аъзолари мамлакатимизнинг барча туман ва шаҳарларида бўлиб, ёшларнинг мазкур ташкилотга муносабати, тақлиф ва истақлари, фикр-мулоҳазаларини ўрганди. Таъкидлаш керакки, бу гоё нафақат ёшлар, балки жамиятнинг барча қатламлари томонидан қизгин қўллаб-қувватланди. Бўлиб ўтган кўпдан-кўп учрашувларда Ҳаракат фаолиятига оид хилма-хил тақлифлар билдирилди. Бу эса ёшларнинг янги ташкилотга бефарқ эмаслигини кўрсатди.

Анжуман қатнашчилари Ҳаракат ташаббус гуруҳининг ҳисоботи ҳамда Дастур ва Низом лойиҳаси бўйича маърузани муҳокама қилдилар.

Дастур ва Низом жойларда ўтказилган йиғилишлар давомида билдирилган кўпдан-кўп тақлиф ва фикр-мулоҳазаларга асосланиб, ёшларнинг та-

лаб ва истақларидан келиб чиқиб тайёрлангани айтиб ўтилди. Ташкилотнинг меъёрий ҳужжатларини пишиқ-пuxта тайёрлаш иши гуруҳининг муҳим вазифаси бўлгани қайд этилди. Улар АҚШ, Канада, Буюк Британия ва Россия каби мамлакатлардаги ёшлар ташкилотларининг иш услублари ва фаолиятини синчиклаб ўрганиб чиққани алоҳида таъкидланди.

Дарҳақиқат, Дастурда сиёсий-ҳуқуқий, маънавий-маърифий, ижтимоий-ҳуқуқий, спорт ва жисмоний тарбия ҳамда халқаро фаолият соҳасида ташкилот аъзолари ўзларининг устувор йўналиш сифатида амал қилиши лозим бўлган вазифаларни баён қилиб берилган. Янги ташкилот аъзоларининг «Ватан менга нима берди, деб эмас, мен ўзим халқим, Ватаним учун нима қилмоқдаман, деб яшаш керак», деган сўзларни дастуриламал қилиб олгани эса Ҳаракат ўз олдида фидойий ёшларни тарбиялаб, қомил инсонлар этиб воқга етказишдек олижаноб мақсадини кўйганини тасдиқлайди.

Курултой иштирокчилари мазкур ташкилот қандай бўлиши лозимлиги, мақсад ва вазифалари, Дастур ва Низом лойиҳасига оид ўз фикр-мулоҳазаларини баён этдилар. Бухоролик Нилуфар Жумаева, қорақалпоғистонлик Пўлат Мирзақулов, Навоий тоғ-кон металлургия комбинати ёшлари вакили Инна Зотова, хоразмлик Дилрабо Жуматова, андижонлик Нодира Абдуразоқова, Жиззах олий харбий авиация билим юртидан Шокир Холиқов, Зулфия мукофоти совриндори, қашқадарёлик Шаҳноза Холмаҳматова ва бошқалар Ҳаракатнинг бошқаруви органлари бюрократик аппарат-

га айланиб қолмаслигини, аъзолар ташаббускор, фаол шахслар бўлиши кераклигини, улар «Ватан ягонадир, Ватан биттадир» шиориغا мос руҳда яшashi ва ишлаши зарурлигини таъкидладилар.

Курултой арафасида «Камолот» жамғармасининг йиғилиши ўтказилган эди. Унда жамғармани тугатиш, мол-мулки ва ваколатларини ихтиёрий равишда янги ташкил этилаётган «Камолот» ёшлар ижтимоий ҳаракатига бериш тўғрисида қарор қабул қилинди.

Қизгин муҳокамалардан сўнг «Камолот» ёшлар ижтимоий ҳаракатининг Дастури ва Низом лойиҳаси билдирилган фикр ва тақлифларни ҳисобга олган ҳолда тасдиқланди.

Курултойда Ҳаракатнинг Марказий кенгаши, назорат ва тафтиш комиссияси аъзолари сайланди.

«Умид» жамғармаси ихрочи директорининг ўринбосари вази фасида ишлаб келган Ботир Убайдуллаев «Камолот» ёшлар ижтимоий ҳаракати Марказий кенгашининг раиси этиб сайланди.

Мамлакатимизда ёшларни бирлаштириш, эзгу ишлар сари етаклаш, уларнинг манфаатларини ҳимоя қилишни ўз олдида мақсад қилиб кўйган янги ижтимоий ҳаракат вужудга келди. Курултой иштирокчилари ҳаракат аъзолари озод ва обод Ватан барпо этиш йўлида ҳормай-толмай меҳнат қиладилар ҳамда барча ёшларимизнинг таянчи ва суянчи бўладилар, деб ишонч билдирдилар.

(ЎЗА).

**Ўзбекистон почта ва телекоммуникациялар агентлиги ҳайъатида биринчи чорак якунлари кўриб чиқилди. Йиғилишда вилоятлар ва Қорақалпоғистон Республикаси алоқа корхоналари ва ташкилотларидан раҳбар ҳамда мутахассислар иштирок этишди. Унда қатор масалалар кўриб чиқилди.**

давом этмоқда. Почта ва телекоммуникациялар корхоналарининг республикада кўрсатган алоқа хизматлари бўйича дебитор қарздорлиги 5956 млн. сўмни ташкил этди.

Соҳада зарарига ишлаётган корхоналар йўқ. Ходимларнинг ўртача иш ҳақи 25950 сўмдан иборат бўлди. Ўқув юртлари фаолияти «Қадрлар тайёрлаш Миллий дастури»ни бажаришга қаратилган.

## БИРИНЧИ ЧОРАК ЯКУНЛАНДИ

Ҳайъат — йиғилишида «Почта ва телекоммуникациялар корхоналарининг 2001 йил, биринчи чорак иш якунлари ва иқтисодий ислохотларни чуқурлаштиришнинг бориши» тўғрисида Ўзбекистон почта ва телекоммуникациялар агентлиги Бош директори Ф. Абдуллаев маъруза қилди. Маърузачи жорий йилнинг биринчи чорагида иқтисодий ислохотларни амалга ошириш, янги технологияларни киритиш, почта ва телекоммуникациялар соҳасини ривожлантириш ҳамда тараққий эттириш мақсадида кўпгина ишлар амалга оширилганини айтиб ўтди. Биринчи чоракда 20,1 млрд. сўмлик алоқа хизмати кўрсатилди. Олинган фойданинг 0,99 млрд. сўми давлат корхоналари, 12,4 млрд. сўми акционерлик жамиятлари, 6,65 млрд. сўми қўшма корхоналар ҳисобига тўғри келади. Утган йилнинг шу даврига солиштирилганда жўнатмалар сони 28 фоизга, шаҳарлараро ва халқаро сўзлашувлар 7,7 фоизга, ёзма хат-хабарлар сони бир фоизга, пул жўнатмалари уч фоизга ўсди. Асосий телефон аппаратлари 2001 йилнинг биринчи апрелгача 1608,9 мингтани ташкил этиди.

Йилнинг биринчи чорагида почта ва телекоммуникациялар соҳасида саксон иккита корхона мавжуд бўлса, шундан қирк учтаси акционерлик жамияти, ўн биттаси қўшма, ўн бештаси давлат корхонаси, ўн учтаси масъулияти чекланган жамиятлардир. Акционерлик жамиятларида акциялар тарқатиши

«Почта ва телекоммуникациялар соҳасида корхоналарнинг иш сифати масаласи» юзасидан маъруза қилган Давлат алоқа инспекцияси бошлиғи М. Рустамов таъкидлаш натижалари хусусида сўз юритар экан, жойларда жуда кўп камчиликлар борлигини танқид қилди. Уларни бартараф қилиш учун кескин чоралар кўриш лозимлигини айтиб ўтди.

Мажлисда «Почта ва телекоммуникациялар бозорини эркинлаштириш ҳамда янги технологияларни қўллаш» масаласи ҳам кўриб чиқилди.

Ҳайъат йиғилишида асосий эътибор мавжуд хато ва камчиликларни бартараф этишга қаратилди. Бу борада «Ўзбектелеком» АК бош директори А. Жўрабоев, «Матбуот тарқатувчи» АК бош директори Р. Қосимов, «Сурхондарё Телеком» шўба корхонаси бош директори Ш. Ёқубов, «Жиззах почтаси» АЖ бош директори И. Саидмирзаев, «Қашқадарё Телеком» шўба корхонаси бош директори С. Қодировлар сўзга чиқиб, ўз фикр-мулоҳазаларини билдиришди.

Кўрилган масалалар юзасидан тегишли қарорлар қабул қилинди.

Ҳайъат ишида Ўзбекистон Республикаси Вазирлар Маҳкамасининг қурилиш материаллари санояти, транспорт ва алоқа мажмуаси котибияти мудирининг ўринбосари С. Абдурахмонов қатнашди ва сўзга чиқди.

И. АҲМЕДОВ

## ТАҚДИМОТ МАРОСИМИ

Яқинда Ўзбекистон почта ва телекоммуникациялар агентлигида Хитой Халқ Республикасининг «HUAWEI» компанияси тақдимот маросими бўлиб ўтди. Тақдимотда агентлик тизимидаги корхоналар ва бошқа алоқа тизимига дахлдор корхона-

лардан меҳмонлар тақлиф этилди. Тантанали маросимнинг очилишида агентлик Бош директори Ф. Абдуллаев, «Ўзбектелеком» АК бош директори А. Жўрабоевлар сўзга чиқшди.

Тақдимот маросимида йиғилганларга «HUAWEI» компа-

нияси ҳақида ўз ходимлари батафсил маълумот беришди. Мулоқотларда қизгин баҳс-мунозаралар ҳам бўлди.

Маросимда Хитой Халқ Республикасининг Ўзбекистондаги фавқулодда ва мухтор элчиси жаноб Ли Цзинсянь иштирок этди.

Ўз мухбиримиз

Кўча радиоалоқа авлодининг уяли тизимларини бир неча авлодга бўлиш мумкин. Хусусан, микроэлектроника ва компьютер технологияларининг жадал ривожланиши натижасида 70-йиллар охирида AMPS ва NMT (1-авлод) кўча алоқасининг биринчи мувофиқлик тажриба тармоғи яратилган бўлса, иккинчи авлод саналган рақамли стандарт D-AMPS ва GSM уяли алоқа тармоғини жорий қилиш ва унинг жадал ривожланиши

ларига кўра, 2001 йилда кўча алоқа абонентлари сони 500 млн.га, 2005 йилда эса 1 млрд. дан ошиқроққа кўпайиши мумкин.

Ҳозирги вақтда Ўзбекистонда уяли алоқанинг тўртта оператори 25 МГцли радио-частота диапазонида 124 та канални ишлатиб келмоқда. Уяли алоқанинг икки оператори AMPS/DAMPS стандартларида ишлаётир.

Барча уяли алоқа операторлари Ўзбекистон Республикаси ҳудудидида уяли радиоалоқа

казий Осиё ҳудудидидаги мамлакатларда ҳам уяли абонентлар сони симли телефонлар сонидан ошиб кетади.

Ҳозирги вақтда дунё микросида кўча алоқанинг учинчи авлоди тизимини жорий этиш билан боғлиқ масалалар жадал ишлаб чиқилмоқда.

Тизимнинг учинчи авлоди — бу глобал микросида амал қилувчи ва истеъмолчиларга паст тезликдаги нутқ хизматидан то юқори тезликда-

## АНЖУМАН ЎТКАЗИЛДИ

Агентлик мажлислар залида «Почта ва телекоммуникациялар бозорини эркинлаштириш ҳамда янги технологияларни қўллаш» мавзусида республика анжумани ўтказилди. Уни Ўзбекистон почта ва телекоммуникациялар агентлиги Бош директори Ф. Абдуллаев кириш сўзи билан очди. Мазкур илмий-амалий анжуманни Ўзбекистон почта ва телекоммуникациялар агентлиги, «Фан-техника ва маркетинг тадқиқотлари маркази», «Ўзбекистон радиотехника, электроника ва алоқа илмий-техника жамияти» ҳамда «Давлат алоқа инспекцияси» биргаликда ташкил этишди. Анжуман ишида соҳа корхона ва ташкилотлари, илмий ва ўқув муассасалари, хорижий ҳамда кўша корхоналар вакиллари иштирок этишди. Икки кун давомида анжуман дастурига мувофиқ маърузалар тингланди ва муҳокама қилинди.

Маълумки, почта ва телекоммуникациялар бозорини эркинлаштириш шарт-шароитлари умумий қонунқоидаларга эга бўлиши билан биргаликда ҳар бир мамлакат ёки ҳудуд учун ўзига хос хусусиятларга ҳам эгадир. Семинарда айнан шу масала республикамиз доирасида атрофлича муҳокама қилинди. Мамлакатимиздаги почта ва телекоммуникациялар бозорини эркинлаштириш ўз навбатида янги техника, технологияларнинг қай тарзда қўлланилишига ва мавжуд иқтисодий, техникавий, ижтимоий масалаларнинг қай даражада, ҳал этилишига боғлиқлиги қайд қилинди.

Почта ва телекоммуникациялар бозорини эркинлаштириш, рақобат муҳитини шакллантириш ва ривожлантириш жараёнида дастлаб ҳуқуқий меъёрий асос яратилиши лозимлиги йиғилиш қатнашчилари эътиборини ўзига жалб этди.

Шунингдек, илмий-амалий анжуманда тарифлар сиёсати ва унинг назорати каби масалалар ҳам кўриб чиқилди. 3G технологияси ва «Ўзбектелеком» АКни давлат тасарруфидан чиқариш ҳамда хусусийлаштиришга тайёргарлик ишлари тўғрисидаги маърузалар муҳокама қилинди.

Ж. САИДУРДОВ

## ЎҚУВ СЕМИНАРИ

«Ўзбекистон радиотехника, электроника ва алоқа илмий техника жамияти», «Ўзбектелеком» АК, «Фан-техника ва маркетинг тадқиқотлари маркази» агентлик таркибидидаги корхона раҳбарлари ҳамда меҳмонлар иштирокида бўлиб ўтган анжуманда долзарб масалалар бўйича маърузалар тингланди.

Икки кун давом этган ушбу семинарни «Ўзбектелеком» акционерлик компанияси бош директори ўринбосари Э. Аллаев бошқарди.

Агентлик таркибидидаги корхона раҳбарлари ҳамда меҳмонлар иштирокида бўлиб ўтган анжуманда долзарб масалалар бўйича маърузалар тингланди.

Ўз мухбиримиз

«АЛСКОМ» акциядорлик жамияти сугурта компанияси акциядорларга «ХАВАР» газетасининг 2001 йил, 20 апрел, 16 (449) сонидида чиққан эълонга қуйидагича тузатиш киритилганини маълум қилади.

Акциядорларнинг йиллик умумий йиғилиши 2001 йил, 15 май, соат 15.00да Ўзбекистон почта ва телекоммуникациялар агентлиги (Тошкент шаҳри, А. Толстой кўчаси, 1-уй) биносида ўтказилади.

## КУН ТАРТИБИ:

1. Компания фаолиятининг 2000 йилдаги асосий натижалари тўғрисида бош директор ҳисоботи ва Компаниянинг 2001 йилга бизнес-режасини тасдиқлаш.
2. Акциядорлик жамиятининг 2000 йилдаги молия-хўжалик фаолияти натижалари бўйича тафтиш комиссиясининг ҳисоботи.
3. Компания Кузатув Кенгашининг шахсий таркибини қайта сайлаш.
4. Компаниянинг 2000 йилги молия-хўжалик фаолиятини текшириш учун аудиторни тасдиқлаш.
5. 2000 йил учун дивиденд ҳисоблаш ва тўлаш.
6. Хорижий инвесторларга бериладиган акциялар баҳосининг курс бўйича ўзгариши.
7. Компания Низомига ўзгартириш ва қўшимчалар киритиш ҳамда Низом жамғармасини ошириш.

КУЗАТУВ КЕНГАШИ

## КЎЧМА РАДИОАЛОҚА ТИЗИМИНИ РИВОЖЛАНТИРИШ ИСТИҚБОЛЛАРИ

учун эса деярли ўн йил керак бўлди. Рақамли стандартларнинг жорий қилиниши эса бирдангина уяли тармоқ ҳажмининг кескин ўсишини, алоқа сифатининг ошишини ва абонентларга янги хизматлар тақдим этилишини таъминлади. Шу боис ҳам ҳозирги даврда мобил ва симсиз алоқа мислсиз ривожланди.

Аксарият мамлакатларда кўча абонентлар сонини ушбу мамлакат аҳолиси сонига нисбати билан аниқланувчи кўча алоқанинг қамрови бир неча ўн фоизни ташкил этади, баъзи мамлакатларда (Скандинавия мамлакатларида) эса бу кўрсаткич 60-70 фоизга етган бўлиб, уяли телефонлар сони симли телефон рақамлари сонидан кўп.

Янги минг йилликда эса бу аънана мобил телефонларнинг тезкор суръатда ўсиши ва симли телефонларнинг қисқариши билан давом этади. Халқаро Электралоқа Иттифоқи маълумот-

тармоғини лойиҳалаш, қуриш ва ишлатиш учун лицензиялар олган. Операторларнинг ҳудудларни қамраб олиши ўртача 38,5 фоизни, кўча тармоқлар абонентлари сони 92680 тани ташкил этган ҳолда, абонентларнинг ҳудудга кира олиши 0,4 фоиздир. Шу ўринда айтиш керакки, ҳудудга кира олиш кўрсаткичининг пастлигига қарамадан Ўзбекистонда уяли алоқа абонентлари сони 5 йил ичида 18 мартага ўсган. Агар ушбу ўсиш суръати сақланса, 2005 йилгача уяли алоқа тармоқ абонентлари сони 1700 мингга етиши кутилмоқда.

GSM-900 диапазонининг чуқланганлиги Тошкент шаҳри ва Тошкент вилоятида келгусида операторларнинг қўшимча хизматлар кўрсатиши ва ривожланишига имкон бермайди. Шу боис баъзи операторлар томонидан 1800 МГц радиочастота диапазони-ни ўзлаштириш бошлаб юборилган.

ХЭИнинг истиқбол режалари бўйича 2007 йилда Мар-

ги замонавий мультимедиа (нутқ, тасвир ва маълумотларнинг бир йўла узатилиши) хизматини кўрсатувчи универсал рақамли тизимлардир. Базавий станциядан абонент терминалигача узатиш тезлигини 2 мВ/с.га етказиш мумкин. Бутунжаҳон радиоалоқа анжумани (ВКР-2000) эса учинчи авлод тизимидан фойдаланиш учун 1885-2025 МГц ва 2110-2200 МГц частоталар диапазони белгилади. Ушбу учинчи авлод уяли тизими жаҳонда 2002 йилдан бошлаб жорий этилади.

Айни пайтда Ўзбекистонда ҳам учинчи авлод уяли тизимини жорий этиш бўйича ишлар олиб борилмоқда.

Майрам  
ХОЛМУРАТОВА,  
Ўзбекистон  
Республикаси  
радиочастоталар  
бўйича  
давлат комиссияси  
раиси ўринбосари

## ТАБРИКЛАЙМИЗ!

«Фаргона почтаси» акционерлик жамияти Тошлоқ филиали жамоаси корхона бошлиғи **Валижон ОХУНОВ**ни тугилган куни билан самимий табриқлайди. Унга узоқ умр, сihat-саломатлик, ишларига омад тилайди.

«Бухоро Телеком» акциядорлик жамияти Ромитан филиали жамоаси корхона ЭХМ оператори **Неля ЖАББОРОВА** ва кадрлар бўлими бошлиғи **Моҳира ШОКИРОВА**ларни таваллуд кунлари билан чин дилдан қутлайди. Уларга бахт-саодат, оилаларига тинчлик-хотир-жамлик, келгуси ишларига улкан муваффақиятлар тилаб қолади.

## ЭЪЛОН

Қашқадарё вилояти, Шаҳрисабз шаҳар ИИБ томонидан Миркомил Назарович **МУСАЕВ** номига 1998 йил, 1 апрелда берилган **СМ 0677581** рақамли паспорт йўқолганлиги сабабли бекор қилинади.



Тошкентдаги 1-52 АТС ёш муҳандиси Ольга КАЗАКОВА абонентларга қўшимча хизмат турларини кўрсатмоқда.  
Т. ЛУТФУЛЛАЕВ суратга олган

## АЛОҚАЧИЛАР САЁХАТДА

«Андижон Телеком» акциядорлик жамияти ходимларидан бир гуруҳи вилоят меҳнатқашлари вакиллари билан биргаликда Бухоро ва Самарқанд шаҳарларига саёхатга бордилар. Улар сафар мобайнида тарихий обидалар ва эътиборга молик муқаддас жойларни зиёрат қилдилар. Саёхатчилар сафардан катта таассурот билан қайтдилар. Акциядорлик жамия-

яти раҳбарияти ва Андижон вилоят алоқа ходимлари берилган касаба уюшмаси биримиз, кадриятларимиз ва тарихимизга оид жойлар билан бевосита танишишлари учун имконият яратиб берганлиги қувонарли ҳолдир.

Р. УЗОҚОВ,  
жамоатчи мухбиримиз

**С COSCOM GSM уяли алоқа хизматларидан фойдаланинг!**



Ислом оламида машҳур бўлган Абдуқодир Филоний болалигида ўқишга бориш учун онасидан ружсат сўради. Онаси ружсат берди, фақат қаерга бориб ўқишини сўради. Ёш Абдуқодир онасига ўша пайтларда Ислом дунёсининг илм-маърифат маркази бўлган Боғдогда бориб ўқимокчи бўлганлигини айтди. Онаси рози бўлди. Онаси кичкина Абдуқодирни жуда севар, ундан айрилиши кийин бўлса ҳам Оллоҳ йўлида илм ўрганиши уйда ўйнаб юришидан яхшироқ деб ҳисоблар ва ўглининг ҳирқаси (тўни) ичига «тушиб колмасин ва йўқолмасин», деб қирқ олтин тикиб қўйди. Ўглига: «Ўғлим, ҳеч ёлғон гапирма. Муслмонлик тўғрилик динидир, тўғриликдан айрилма (ҳамиша тўғри бўл), деб насихат қилди.

Шундан кейин она-ўғил хайрлашдилар (бир-бирларидан розилик тиладилар), ёш Абдуқодир бир қарвонга қўшилиб йўлга чиқди. Йўлда қарвон қаршисидан олтишта отлик чиқиб тўсди. Булар йўлтўсар, қарвонларни талайдиган қароқчилар тўдаси эдилар. Кўпчилики ўлдирдилар. Қароқчилардан бири боладан нимаси борлигини сўради. Бола ёлғон гапирмаслик

ҳақиқатан унинг ичидан қирқ олтин чиқди. Қароқчилар бошлиғи хайрат билан: «Нега тўғрисини айтдинг, ёлғон гапирганигда олтинларингни қутқариб қолардинг», деди.

Ёш Абдуқодир кулимсираб: — Ҳеч ёлғон гапирмайман,

### • Ислом маърифати

Юсуф ТОВАСЛИЙ

## РОСТ ГАПИРИШНИНГ ХОСИЯТЛАРИ

бор», деди. Юпун кийинган бу болада қирқ олтин нима қилади, у мени алдапти деб ўйлаб, у ҳам нари кетди. Кейин учинчи йўлтўсар келиб: «Қанча пулинг бор, бола?» деб сўради. Унга ҳам «Қирқ олтиним бор», деб жавоб берди. Қароқчи болани қўлидан ушлаб бошлиқлари олдига олиб борди ва: «Бу бола қирқ олтиним бор деяпти», деди. Қароқчилар бошлиғи: «Олтининг қани?» деб сўради. «Тўним ичида» деб жавоб берди бола. Бош қароқчи буйруғи билан тўнни йиртиб кўришди,

деб онамга сўз берганман, — деб жавоб берди.

Кўзлари қон ва гуноҳга фарқ бўлган қароқчиларнинг бошлиғи диққат ва синовчи назар билан Абдуқодирнинг юзига тикилди. Бирдан қароқчининг кўзи очилди, хайрат ва ҳаяжондан кўзларидан ёш сизиб чиқиб юзига оқди ва меҳрибонлик билан:

— Қаранг, бу бола онасига берган сўзида турибди ва унга вафо қилмоқда! Мен эса шунча йиллардан бери Оллоҳимга хиёнат қилиб келаман. Бу йигитча менинг халоскорим бўлди, мен

барча разил ишларимдан тавба қиламан! — деди.

Қалби, қаҳри тошдай қаттиқ бошлиқларининг атрофидаги қароқчилар баробарига:

— Шу кунга қадар йўл тўсиб, одам ўлдириб қароқчилик қилишда бошлиғимиз эдинг, энди гуноҳларимизга тавба қилиш ва яхши, хайрли ишларда бизга бош бўл, — деб хайқирдилар.

Бошлиқларининг буйруғи билан қарвонда қимдан нима олган бўлсалар қайтариб бердилар, қарвон эсон-омон йўлида давом этди. Қароқчиларнинг тоғ қояларидек қаттиқ, тош қалблари юмшаб, тавба қилдилар. Қилган ёмон ишларидан пушаймон бўлдилар...

Эй, олижаноб қардошим! Бу — сўзида турадиган, ростлик, тўғриликдан айрилмайдиганларнинг мукофоти! Барча йўлтўсарлар тўғри йўлга кирдилар, ёмон ишлардан воз кечдилар. Бир боланинг онасига берган сўзида турганлиги — барча бойлиги олиб қўйилган йўлчиларга бойликларини қайтариб берилишига, ўзларининг омон қолишларига сабаб бўлди. Бу тўғри сўзлик ва сўзга содиқ бўлишнинг келтирган яхшилиги, фойдаси ва мукофоти дид.

## МЕҲМОННИ ДЎСТ ТУТИШ ФАЗИЛАТИ

Расули Акрам (с.а.в.) дейдиларки: «Ҳар кимса меҳмон учун бир дирхам сарф қилса, Оллоҳ таоло йўлида минг дирхам эҳсон қилганининг савобини топади ва уни дўст тутиб иззат қилса, Оллоҳ таоло ул кишининг истиқболига жаннат эшикларини очиб тутади».

Ривоят этилишича, Ҳазрати Умар ибн Ҳаттоб (р. а.) уйига келган меҳмоннинг хурмати учун ўзлари туриб хизмат қилар эдилар ва дердиларки:

Расулulloҳ саллоллоху алайҳи васалламдан эшитганман: «Қайси уйда меҳмон бўлса, ул уйда фаришталар оёқда турадилар» — деганлар. Шу ҳолдан уяларманки, фаришталар оёқда турсалару, мен ўз ўрнида ўтирган бўлсам.

Ҳазрати Расули Акрам саллоллоху алайҳи васалламдан ривоят қилинадики:

— Жаброил алайҳиссалом менга бир хабар бердики, бирон муслмон биродаримизнинг уйига меҳмон келса, унга ҳамроҳ бўлиб минг бароқат ва минг раҳмат шу уйга дохил бўлур. Оллоҳ таоло уй эгаси ва аҳли байтининг гуноҳларини мағфират қилур. Агар бу гуноҳлар дарё кўпиклари ва дарактлар барги миқдорича бўлса ҳам. Шундай мезбонга минг шаҳид савобини ва дастурхонга қўйилган ҳар лўма таом учун ҳажми мабурура ва ҳажми умра савобини ато қилур ва унинг номига беҳишда қаср пайдо этур. Ҳар ким меҳмонни икром қилса, гуёки етмиш пайгамбарни икром қилгандек бўлур.

Умуртқасиларга мазза, улар радикулит бўлмайди.

Узоққа боради, аммо қайтиб келмайди.

Кулиб бўлишгач, нега кулишганини муҳокама қила бошлашди.

## ҚУЛОҚҚА ЧАЛИНГАН ГАПЛАР

Пьеса муаллифлари кўпича ҳеч қандай рол ўйнашмайди.

Опера ва балет театри томошабинлар труппасига қўшимча қабул эълон қилади.

Виждон қанчалик тоза бўлса, нархи шунчалик баланд бўлади.

Лаҳзаларнинг қадрига етиш учун йиллар керак.

Агар аёл унсиз изтироб чекаётган бўлса, демек, унинг телефони бузилган.

Силлиқ ёзиш учун талент эмас, қоғоз керак.

Ш. ЭРГАШЕВ тайёрлаган

**МУАССИС:**  
Ўзбекистон почта ва телекоммуникациялар агентлиги

**Бош муҳаррир:**  
Шодмон  
ОТАБЕК

**ТАХРИР ҲАЙЪАТИ:**  
Шомансур ОБИДХЎЖАЕВ  
Шухрат ЖАББОР  
Анатолий КУДИНОВ  
Иzzат АҲМЕДОВ  
(Бош муҳаррир  
ўринбосари)  
Мирпўлат МИРЗО  
Рустам ҚОСИМОВ  
Куралбой ТЎЛЕБОВЕВ  
Ёқубжон ХЎЖАМБЕРДИ

**ЖАМОАТЧИЛИК  
КЕНГАШИ:**  
Саидмахмуд АКБАРОВ  
Шоҳруҳ АКБАРОВ  
Ортиқбой АБДУЛЛАЕВ  
Меҳмонкул  
ИСЛОМКУЛОВ  
Тўлқин  
ЛУТФУЛЛАЕВ  
Бобоҳон ШАРИФ

**МАНЗИЛИМИЗ:** 700000,  
Тошкент-35, А. Толстой  
кўчаси, 1.



**ТЕЛЕФОНИМИЗ:**  
136-36-42, 136-35-29,  
144-29-09.

**Факс:** 136-36-42.  
**ИНДЕКС:** 64600  
**ЖУМА КУНЛАРИ  
ЧИҚАДИ**

Тахририятга келган қўл-ёзмалар (2 ораликда, 5 бетдан ошмаслиги лозим) ва суратлар муаллифларга қайтарилмайди. Мақола-лардаги фикр-мулоҳазалар, келтирилган факт ва рақамлар масъулияти муаллифлар зиммасидадир.

Газета Ўзбекистон Республикаси Давлат матбуот қўмитасида 00011 рақам билан рўйхатга олинган.

Буюртма № Г-2339.  
5107 нусхада чоп этилди.

Офсет усулида босилди.  
Бичими А-3, ҳажми 1 босма табоқ.

Газета «Шарқ» нашриёт матбаа акциядорлик компанияси босмахонаси компьютерида терилди ва чоп этилди.

**«ШАРҚ» НАШРИЁТ-МАТБАА АКЦИЯДОРЛИК КОМПАНИЯСИ БОСМАХОНАСИ.**  
Манзили:  
Тошкент шаҳри,  
«Буюк Турон» кўчаси,  
41-уй.

Босишга топширилди — 19.00

Босишга топшириш вақти — 18.00

1 2 3 4 5 6



От чопса гумбурлар тоғнинг дараси.

## БОЛАНИНГ ТИЛИ ШИРИН

— Бувижон, конфет ейсизми?  
— Раҳмат, қизалогим, емайман.  
Бола бир дақиқа тўхтаб, яна сўради:  
— Бувижон, энди сиз сўранг, эҳтимол мен конфет ерман.

Беш яшар Шавкат онасига шикоят қила бошлади:  
— Кучугимиз менинг ботинкамни ғажиб қўйибди!  
— Ҳозир уни жазолаймиз, — дейди она ўглини тинч-лантириш учун.  
— Мен ҳам шундоқ қилдим, оч қолсин деб қосачасидаги сутини ичиб қўйдим.

Акмал ўйлаб туриб хафа бўлади:  
— Катта одам бўлиш ҳам ёмон экан. На конфет, на музқаймоқ егиси келади...

Товусга кўзи тушган олти яшар бола таажжубда:  
— Бу қушни фақат рангли телевизор учун улғайтиришган эканда!

Болақайдан мева билан сабзавотнинг фарқини сўрашди.

Болақай ўйланиброк жавоб қилди:  
— Мевалар ширин бўлади, — деди болақай, — сабзавотлар эса фойдали.

Болақайнинг суюқ ошни егиси келмаётганидан онанинг жаҳли чиқади:  
— Тез еяқол, бўлмаса ҳозир ялмоғиз кампирни чақираман.  
— У ермикан бу овқатни, — дейди бола юзини бужмайтириб.